

ԱՐԱՄԱՅԻՍ ՄՆԱՑԱԿԱՆՅԱՆ

Կյանքից հեռացավ Հայկական ՍՍՀ ԳԱ սոցիալիստական ազգերի զարգացման և մերձեցման պրոբլեմների գիտական խորհրդի նախագահ, Երևանի պետական համալսարանի պրոֆեսոր, պատմական գիտությունների դոկտոր Արամայիս Նավասարդի Մնացականյանը:

Ա. Մնացականյանը ծնվել է 1911 թ. Աշտարակի շրջանի Բյուրական գյուղում, որտեղ և ստացել է նախնական կրթությունը: Սովորել է Երևանի և Արմավյանի անվան միջնակարգ դպրոցում, այնուհետև ավարտել ՀԿԿ Կենտկոմին առընթեր կոմունիստական համալսարանը, ապա Երևանի պետական մանկավարժական ինստիտուտի պատմության ֆակուլտետը: Երկար տարիներ աշխատել է Իրրե ժուռնալիստ, տարբեր ժամանակներում խմբագրել մի շարք շրջանային թերթեր, հղել է «Ավանգարդ» թերթի խմբագիր, «Սոցիալական Հայաստան» թերթի խմբագրի տեղակալ:

Հայրենական մեծ պատերազմի տարիներին նա մեկնել է բանակ, խմբագրել «Մարտական գործ» և «ԲԳԿԲ մարտիկ» ռազմաճակատային թերթերը, պարգևատրվել Կարմիր աստղի շքանշանով և մեդալներով:

Ա. Մնացականյանը 1946 թ. գորացրվել է բանակից և անցել կուսակցական ղեկավար աշխատանքի: Եղել է ՀԿԿ Երևանի Կիրովյան շրջկոմի առաջին քարտուղար, ՀԿԿ Կենտկոմի պրոպագանդայի և ագիտացիայի բաժնի վարիչ, ՀԿԿ Երևանի օկրուգային կոմիտեի առաջին քարտուղար: Նա ՀԿԿ Կենտկոմի անդամ է եղել, ՀՍՍՀ Գերագույն սովետի ղեկավար: 1953 թվականից նվիրվել է գիտական գործունեության և իր բեղմնավոր գրքերը ծառայելով ժողովրդի պատմության, հեռավորական և կոմունիստական շարժումների պատմության լուսաբանման, մարքսիզմ-լենինիզմի պրոպագանդան գործին:

Նրա գրչին են պատկանում 32 մենագրություն, ավելի քան 200 գիտական, գիտապրոպագանդիստական հոդված: Նա իրրե ՍՄԿԿ Կենտկոմին առընթեր մարքսիզմ-լենինիզմի ինստիտուտի հայկական մասնաճյուղի ղեկավար, մեծ վաստակ ունի մարքսիզմ-լենինիզմի դասականների աշխատությունների հայերեն հրատարակությունների, Հայաստանի կոմունիստական կուսակցության պատմության առաջին ուղղագծերի ստեղծման գործում: 1953 թվականից մինչև իր կյանքի վերջը աշխատել է ՀՍՍՀ գիտությունների ակադեմիայում, եղել է նախագահության քարտուղար, պատմության ինստիտուտի հայ պարբերական մամուլի պատմության բաժնի վարիչ, իսկ հետո սոցիալիստական ազգերի զարգացման ու մերձեցման պրոբլեմների գիտական խորհրդի նախագահ:

Ա. Մնացականյանը կուսակցական, հասարակական ակտիվ աշխատող էր, նա ՀՍՍՀ «Գիտելիք» ընկերության նախագահի տեղակալն էր, բուլմաթիվ գիտական խորհուրդների անդամ:

Կուսակցության հավատարիմ զավակ, ազնիվ քաղաքացի, բազմաբեղուն գիտնական Ա. Մնացականյանի հիշատակը միշտ վառ կմնա նրան ճանաչողների սրտերում:



ԴԱՍԱԹՅԱՆ Կ. Լ., ՆԵՐՍԻՍՅԱՆ Լ. Ն., ԽՈՋԱՄԻՐՅԱՆ ՅԱ. Ե., ԱՄԻՏՅԱՆ Գ. Ե., ՄԵԼՔՈՆՅԱՆ Ա. Պ., ՍՏԵՓԱՆՅԱՆ Ա. Հ., ՀԱՄԲԱՐՁՈՒՄՅԱՆ Վ. Հ., ՀԱՄԲԱՐՁՈՒՄՅԱՆ Ս. Ա., ՍԻՄՈՆՅԱՆ Հ. Ռ., ԻՈԱՆՆԻՍՅԱՆ Ա. Ռ., ԳԱԼՅԱՆ Գ. Ա., ՔԱԼԱՇՅԱՆ Լ. Խ., ԱՌԱՔԵԼՅԱՆ Բ. Ն., ԲՐՈՒՏՅԱՆ Գ. Ա., ԱՎԵՏԻՍՅԱՆ Հ. Ա.